



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Vita & Rebus gestis P. Petri Canisii, De Societate Jesv,
Commentarii**

Sacchini, Francesco

Ingolstadii, 1616

Precatio ardens, & quædam collectatio cum Deo.

urn:nbn:de:hbz:466:1-41515

bus, & cupiditate maxima penitus laborare, & quandiu ab huius agri cultura non reuocamur, nihil æque sitire, ac germanicæ messis, & bonorū in illa operariorum, nostrorum verò præsertim confirmationem, lætumq; successum. Et aliis ad eundem literis, Breui fortasse Vienna nobis martyres dabit: ex quibus utinam partem habere aliquam mereamur. Sed in fide, magnaq; fiducia, ac animi virtute inuita persistamus: tantoq; magis ad arma spiritualia confugiamus, quo fortius imminent, ac premunt hostes Christi, pestes Ecclesie, & ministri Satanæ. Quare fratres omnes magis, ac magis, ut in officio confirmentur, & ad pugnandum instruantur decet, quia nunc fortis in acie milites Christi stare, omniaq; aduersa contemne-re, & ad mortem quamuis horrendam paratos esse tempus requirit, ut haec professio iubet in Christo Iesu Domino. Is gratiam nobis suam augeat, ut in hac tot modis dissipata vinea quibuscumq; modis possumus indefesse laboremus: & in lacrymis seminemus, quæ aliquando in exultatione metamus.

Ex eodem flagrantissimo caritatis æstu orie-
bantur ardentissimæ illæ preces, assiduæq; voci-
fera-

Precatio ardēs,

E quædam col-

luctatio cū Deo,

ferationes ad Deum, sacrificia, iejunia, vigiliae, & omnia afflictionum genera, per quae pereuntibus animis misericordiam aeterni Numinis aduocaret. Euenit quondam Viennae, ut P. Georgius Shererus tum iuuenis, deinde vir & actione virtutis, & Euangelij prædicatione clarus, ex Canisij conclaui personantibus excitus clamoribus per serae foramen immitteret oculos inspecturus, quid esset rei. Dum autem curiosius & lumina, & aures admonet, videt prouolutum in genua Patrem, auditq; cum Deo in oratione non modo instar Patriarchæ Abrahæ cum animi, & vocis contentione magna colloquentem, & disputantem, sed velut Iacob luctantem cum Angelo, velut Mosen in confractione positum in conspectu eius, vt auerteret iram eius, ne miserrimas septentrionis gentes disperderet. Quo precandi genere ipse met se optime usum demonstrat, cum Cananeæ Euangelicæ perseverantem instantiam explicans illud tam aptè describit. Quid autem, inquit, istud est aliud, nisi ut Scriptura loqui solet, toto pectore clamare ad Dominum, seu inuocare, adeoque cum Deo pugnare, & omnipotentem capere, ligare, vincere? Nimirum seria, forti, constanti, & ardentipre-

ti precatione? Quam orandi rationem tenuit & Propheta Moyses, cum ardenter inuocaret Dominum, & iratū laboriose placaret, vt sceleratus populus pœnas non lueret per uicaciæ suæ. Nam velut renitentem, & ad vindictam paratū Deum ita suis precibus mutauit, ac flexit, vt is quasi vim passus, atque ab orante superatus responderit, *Dimitte me, vt irascatur furor meus.* Nec est dissimile, quod Ieremiæ precanti respondit iratus Deus. Non obsistas mihi, quia non exaudiam te. Dei enim potentiam serui preces impediabant, inquit Hieronymus. Cur ergo non libenter, & frequenter mea & aliorum lugentium, siue pœnas properentium causa preces fundam, licet optatam gratiam non statim impétrem?

Deinde ad alia conuersus remedia, cum rerum circumspecto statu, vidisset maximè destitui eas regiones & salutaribus libris, & idoneis vi-
Librorum bo-
norum inopia
solertia me
subleuat.
ris, qui operam, vocemque viuam conferrent: ad hæc duo præsidiorum capita ita curam aduertit, vt haud temerè quisquam de Germania melius in alterutro meritus sit. Nam præter raræ utilitas monumenta, quæ ipse edidit, quoscunq; nan-
cisci potuit ad scribendum idoneos omni ope in-

z

citauit,